

金  
石  
續  
編

金石續編卷第十一 唐

武進陸燿燾纂

太倉陸增祥校訂

唐八

僧文鑒等經幢

幢高三尺六寸八分每面廣七寸五分三行  
行十五字正書在江蘇蘇州府洞庭包山

佛頂尊勝陀羅尼

內有舍利二七粒

刻寶沙門佛陀波利奉詔譯

納謨薄伽跋帝一帝 繇盧繼夜二藥 阿跋波羅帝三毗失

瑟咤曳四 勃陀曳五 薄伽跋帝六 怛姪他七以上八

毗輸陀曳九 毗輸陀夜十 娑磨三鼻多十一 縛娑娑十二 颯

頗羅拏揭底三十一 伽訶那四 娑縛娑伐輸提五 阿鞞訶

鼻

六蘇揭多

七伐折羅阿

二面上第

蜜栗多

八毗嚧雞

九

阿訶羅阿訶羅

阿瑜珊陁羅尼

一廿輸陁曳輸陁夜

二

薩婆揭摩波羅挈你弥盧婆羅

瑟膩

三面上第

沙毗社夜輸提

五廿莎訶娑羅遏羅濕弥珊

珠姪底

六廿

薩婆怛他揭多地瑟咤那

七案地瑟耻底慕

姪犁

八伐折羅迦夜僧訶怛那

四面上第

輸提

羅挈毗輸提

般羅底你伐怛夜阿瑜輸提

一廿薩摩羅

案地瑟帝

二廿

麼尼麼尼摩訶末尼

三廿怛闍多部多俱知

般喇

五面上第

輸提

四毗薩佈吒勃地輸提

毗社夜薩磨羅薩磨羅勃駄案地瑟耻多輸提

梨伐折羅揭鞞

七伐折藍婆伐

六面上第

堵

八麼麼

某薩

婆娑喃迦寫夜毗輸提九卅薩婆揭底般梨輸提卅薩婆

怛他迦多颯磨濕縛娑案地瑟吒帝卅勃茶勃茶卅怛

隨曳七卅第七卅陟陟曳毗蒲提三身多般梨輸提薩婆怛

他迦多地瑟吒那四卅案地瑟吒帝五卅慕姪梨六卅娑縛訶

七卅

如來法身偈

諸法從緣生 如來說是因

是法從緣滅 是大沙門說

奉為 四恩三有及法界生靈敬造此幢咸願同登

覺路

唐會昌二年壬戌九月八日寺僧文鑒等同建

沙門契元書

同建幢前試右武衛長史陸榮 大匠吳郡陸永

司馬弼鑄

以上第八面

按此幢咒文款識並正書書者為沙門契元筆法高渾妍媚拜都布政繼昌贈余拓本石兵備蘊玉跋指沙門契元即楚金禪師碑所稱表妹萬善寺上座契元以為僧尼善書之證楚金碑建于貞元二十一年此幢建于會昌二年相距三十餘載晚年所作容或有之顧幢在今吳縣洞庭包山故鑄幢大匠皆吳郡人兩京新記萬善尼寺在皇城第三街西休祥坊東南隅契元以萬善寺老尼書幢

于三千里外殊不可信。段成式撰安國寺寂照和  
上碑有門人契元者，或即其人，不得指為萬善寺  
尼也。萃編從衰本錄入，缺諸法從緣生偈語。蓋所  
見非足本也。今為補入其咒文句讀，與他幢互異。  
故并錄之。白居易蘇州重玄寺法華院石壁經碑  
八種經共十二部，合一十一萬六千八百五十七  
言。唐長慶二年作，大和三年成。寺僧契元捨藝而  
書之，其時相及地亦相近。書包山經幢之沙門契  
元，即書石壁經之重玄寺僧契元無疑。河南新野  
尊勝陀羅尼幢亦會昌二年九月建。僧契元正書。  
蓋契元工書且好書陀羅尼經咒。

案幢第一面下有助緣僧口上座都維小字四  
行第二面下有助緣施主小字兩行恐拓本尚  
未全也此木失錄

陸增祥志

楚州使院石柱題名

柱高五尺三寸八分每方六寸有奇正書各六行行字不計在江蘇淮安府山陽縣學

使口口堂石柱記

河南房墨卿書

缺其缺公待賓既以盡禮吾曹奉缺雄其命久請自

天朝各一缺有三口之繁夥二監之關口似缺以簡易

化俗以缺以上第一方石多剝落撰者無徵記

使起復缺

團練判官缺

以上第二方前四行不可辨第五行存三字六行存四

字

使朝缺

使朝請缺

以上第三方

惟第二行二字  
五行三字可辨

營田判官

使朝議郎檢校□□□常侍

團練判官長孫方達

營田判官張庾

使朝散大夫使持節楚州諸軍

團練判官以上第四方

營田判官司馬□□

使朝散大夫使持節楚州諸軍事守楚州刺史充木州



團練使淮南營田副使驍騎尉郭行餘

團練判官韋墳

大和三年口月十二日

判官口

邨 營田判官崔邨

大和四年

判官李敬方

巡官郭元載

大和三年

巡官范茂孫

大和三年四月攝

月

使太中大夫使持節楚州諸軍事守楚州刺史充本州

團練使淮南營田副使上柱國襲趙國公食邑三千戶

賜紫金魚袋李德脩

大和五年四月十九日授

營田判官顧元之

大和六年三月九日自

巡官

盧處約

大和六年六月口日自前口口州口城縣

丞請

以上第五方

判史李德脩下無團練判官

使胡議大夫使持節楚州諸軍事守楚州刺史兼御史  
中丞充本州團練使淮南營田副使上柱國滎陽縣開  
國男食邑三百戶賜紫金魚鄭復 大和七年

團練判官袁亞

大和七年十一月十一日自守太子校書奏授試太常寺協律郎充

營田判官崔延

大和八年正月七日自楚州鹽城縣丞奏授試大理評事充巡官

請攝

巡官皇甫鈺

大和九年四月七日自前鄉貢進士奏授試太子正字充

使朝散大夫使持節楚州諸軍事守楚州刺史兼御史  
中丞充本州團練使淮南營田副使上柱國賜紫金魚  
袋嚴審 大和九年七月廿六日授

團練判官韋中立

大和九年十二月廿五日自前京兆府藍田縣尉奏授監察御

營田判官郭宗元

大和九年十二月廿五日自前大理寺丞奏授檢校口省秘

書郎

巡官辛仲邕 以上第六方

鄭復題名金魚下原無發字辛仲邕名今

缺從舊拓本補

使朝議郎使持節楚州諸軍事守楚州刺史兼御史中丞充本州缺三百戶賜紫金魚袋蕭倣

團練判官張口夫

開成二年九月七日自前河陽監察御史裏行口三年十二月

巡官鄭途

營田判官楊柬之

開成二年十月廿日自太子校書充

巡官盧仲和

開成二年絳州

使朝請大夫使持節楚州諸軍事守楚州刺史 缺 紫金

魚袋李師稷

開成四年三月廿四日

團練判官崔邈

開成四年七月廿九日自前營田  
奏授御史裏行

巡官王弼

營田判官王軼

開成四年六月廿九日自  
守奉禮郎充

以上

第七方

蕭叔鄭途王  
並從舊拓木補

使朝議郎使持節楚州諸軍事守楚州刺史 缺 金魚袋

李拭

會昌

團練判官權富

會昌二年四月廿八日自  
監察御史裏行充

營田判官蕭實

會昌二年四月廿八日自  
授至當年十月廿日

使朝請大夫使持節楚州諸軍事守楚州刺史 缺 金魚

袋盧

上

會昌三年六月十三日自吏部郎中拜

團練判官鄭碣

會昌三年七月八日自秘

營田判官韋滂

會昌三年九月四日

以上第八

方

盧國上蕭錄作盛知止

按唐楚州使院石柱題名剝蝕殆半撰記之人與立石之歲月皆不可考其可辨者自文宗大和三年至武宗會昌三年十五年中刺史八人郭行餘李德脩鄭復嚴蕃蕭俶李師稷李拭盧弼上團練判官九人長孫方遠韋墳○郟袁亞韋中立張○夫崔邈權富鄭碣營田判官十一人張庾司馬○崔郟李敬方顧元之崔邈郭宗元楊柬之王軾

蕭實韋潘巡官八人郭元載范茂孫盧慶約臯甫  
鉅辛仲邕鄭途盧仲和王弼并書石之房墨卿為  
三十七人崔邈再見凡三十六人著錄如右李德  
侑吉甫之子德裕之兄唐書附傳稱其有志操以  
膳部員外郎出為舒湖楚三州刺史吉甫封趙國  
公故題名為襲趙國公也宰相世系表李氏西祖  
房德侑楚州刺史又李氏江夏房有師稷有拭蕭  
氏齊梁房有俶韋氏彭城房有中立拭起居舍人  
師稷俶中立皆不著官可以題名補世系表之闕  
郭行餘曾授徐州營田判官見使院石幢題名後  
以大理卿為邠寧節度使未赴鎮大和九年十一

月死于甘露之變餘人俟攷通典楚州理山陽縣  
春秋時屬吳戰國時屬楚秦屬九江郡漢屬臨淮  
郡後漢屬廣陵郡下邳國晉屬臨淮廣陵二郡地  
東晉為重鎮安帝立山陽郡宋因之齊僑立兖州  
郡因以兖州為重鎮梁初得之後入後魏隋初廢  
山陽郡後置楚州煬帝初廢入江都郡唐武德四  
年為東楚八年改楚州或為淮陰郡領縣五山陽  
漢射陽地元和郡縣志淮南道缺太平御覽所引  
與通典畧同唐楚州為淮南道治山陽故楚州荆  
史皆充淮南營田副使石柱今在山陽亦其證也  
唐時官屬題名多以石幢石柱者如元和十二年

徐州使院石幢記開成會昌間司直廳石幢記大

中十二年郎官石柱題名皆非碑刻此柱金石家

皆未著錄惟吳山夫玉搢山陽志遺載之清河蕭

子敬文業寄示拓本因與哲兄子壺令裕取新舊

唐書考其結銜官資高下並合史文且有史家所

未及者子壺跋云舊書職官志武德改郡為州州

置刺史天寶改州為郡置太守乾元元年改郡為

州置刺史漢代奉使者皆持節故刺史臨部持節

至魏晉刺史任重者為使持節都督輕者為持節

後魏北齊總管刺史則加使持節諸軍事以此為

常隋開皇三年罷郡以州統縣刺史名存而職廢



而於刺史太守官位中不落持節之名故楚州刺

史悉有使持節楚州諸軍事也

新書云武德元年改太守曰刺史加

使持節未詳其用也

新書百官志凡文官九品有正有從自

正四品以下有上下為三十等凡文散階二十九

從四品上曰太中大夫正五品下曰朝議大夫從

五品上曰朝請大夫從五品下曰朝散大夫正六

品上曰朝議郎凡爵九等三曰國食邑三千戶

從一品九曰開國縣男食邑三百戶從五品上凡

勲級十有二轉為上柱國視正二品四轉驍騎尉

視正六品凡勲官無職任者番上於兵部視遠近

為十二番上柱國以下番上四年驍騎尉以下番

上五年簡於兵部授散官故楚州刺史有太中大  
夫朝議大夫朝請大夫朝散大夫朝議郎者其散  
階也有國公有開國男上柱國驍騎尉者其勳官  
也楚州刺史則職任官也又舊書至德後中原置  
節度使大郡要害之地置防禦使以治軍事刺史  
兼之不賜旌節上元復改防禦使為團練守捉使  
又與團練兼置防禦使名新書諸軍各置使一人  
五千人以上有副使一人萬人以上有營田副使  
一人刺史領使則置副使故使持節楚州諸軍事  
楚州刺史悉充本州團練淮南營田副使也刺史  
領使宜置副使今以刺史充之足補唐書之闕舊

書凡注官階高擬卑曰行階卑擬高曰守其有歷

職清要考第頗深者得隔品授之不然即否長編元

豐四年詔自今除授職事官並以寄祿官品高下

為法高一品者為行下一品者為守二品以下為

試品同者不用行守試唐制戶滿四萬以上為上

元豐授官正法唐制

州二萬以上為中州不滿二萬為下州楚州天寶

時領縣五戶二萬六千六十二為中州中州刺史

正四品上朝議郎則正六品上即太中大夫亦從

四品下資非授於隔品官全擬於卑階故郭行餘

等八人皆曰守楚州刺史也舊書職官志禮部郎

中負外郎之職掌舉其儀制而辨其名數凡授都

督刺史階未入五品者並聽着緋佩魚離任則停

白氏長慶集謂除尚書郎脫刺史緋也唐制五品始得著緋佩魚刺

史階未入五品亦聽著緋佩魚故楚州刺史多賜紫金魚袋也新書百官志團練使副使判官推官巡官衙推各一人節度使兼度支營田招討經略使則有副使判官各一人故楚州刺史其屬有團練判官營田判官巡官也舊書謂副使判官皆天寶後置未見品秩今考團練判官袁亞自太常寺協律郎充為正八品上營田判官崔鄉大理評事充巡官請攝大理評事為從八品下巡官皇甫鈺自試太子正字充為從九品上營田判官楊柬之自太子校書充為正九品下是判官巡官之秩不

過八品九品可据此題名以補唐志也崔郾以巡  
官攝營田判官復自營田判官奏授御史裏行充  
團練判官團縛判官權富亦自監察御史裏行充  
貞觀初馬周以布衣進用太宗令於監察御史裏  
行自此因置裏行之名龍朔元年以王立本為監  
察裏行書唐監察御史正八品上崔郾權富均以  
裏行充判官團練判官韋中立自京兆府藍田縣  
尉奏授監察御史裏行唐時以殿中侍御史掌左  
右巡尋以務劇選用京畿縣尉新唐書京畿縣尉從  
八品下中立自縣尉奏授裏行復充團練判官益  
信判官巡官之秩為正從八九品也大抵唐初選

舉必三銓三注三唱而後擬官主者受旨奉行謂之奏授武后長安三年引見風俗使舉人悉授試官試官之名始此又有檢校勅攝判知之官見選舉志今考題名中分注袁亞崔邈皇甫鉉韋中立蕭實鄭碣皆奏授也除韋中立蕭實餘人又皆試官而郭宗元則檢校也方其盛時官不歷州縣擬臺閣故題名中崔邈自鹽城縣丞奏授試大理評事韋中立自藍田縣尉奏授監察御史裏行資雖縣佐望繫朝除內外兼歷職事脩舉唐之銓法茲為盡善然元宗時張九齡上書已言縣令刺史陛下所與共理尤親於民者也今京官出外乃反為

斥逐非少重其選不可及於肅代州刺史同奉至  
干縉方鎮所取無藝而京官祿薄自方鎮入八座  
至謂罷權薛邕由左丞貶歙州刺史家人恨降之  
晚崔祐甫佐吏部員外求為洪州別駕使府賓佐  
有所忤者薦為郎官其當遷臺閣者皆以不赴取  
罪去見李蓋不數十年而外重內輕之勢成矣

魏夫人趙氏墓誌

石縱橫各一尺八寸二十八行每行二十二  
字至二十八字不等正書在陝西咸陽縣

唐故宣州參軍鉅鹿魏君夫人趙氏墓誌銘并序

前延州防禦衙推文林郎試左驍衛兵曹參軍王儔

撰

公諱邈字仲方世本云秦改魏為鉅鹿郡也後徙家于  
山南今則洋州興道人也昔周建侯王是稱盤石國  
命良相謚曰文貞公泊枝派初分導自洪源之注蘭蓀  
並振時為銓藻之芳祖賓父朝隱皆敦儒術諒識宏深  
高樂園林自求野逸公孝達參閔學茂游夏稟志孤貞  
潔行端操頃因入仕多為台鼎廉察之知累以德藝精  
粹聞於 天庭始奏授懷州參軍次選授果州司戶參  
軍次任婺州司功參軍次任宣州司功參軍次任下凡  
十六字原  
脫有注凡歷四郡皆以直道佐理惠洽優人官賴其能已  
受其福以茲樹善既至必獲神休豈謂天喪貞良倏延  
荒瘵乃針石靡効寘齡苟乖奄忽俄然盡為松楸是則



逝波湮沒而不還風燭泯光於殘夜以元和九年十月  
十三日不祿于任壽年五十有五即十年四月護歸京  
兆寔于萬年縣洪固鄉北韋村北原也 夫人天水趙  
氏考皇任壁州長史昇之仲女也少習師保內則素彰  
懿淋茂儀柔順芳婉而乃失翼凌虐亡舟涉濟孟母彼  
美敬姜謂歟以會昌四年冬偶嬰微疾殆踰累旬冬笋  
氷魚日無不至十一月十五日遂歿于延州豐林縣之  
私第享年七十有五今以五年十一月廿三日護喪祔  
于萬年縣洪固鄉北韋村北原禮也有女四人 長適  
皇甫氏 次適李氏 次適侯氏 幼適王氏並早閑  
保傅克就柔儀 德婦功怡聲婉婉或浙川不返或婦

言益嘉雖女史無口亦家諫自顯有子三人長曰齊  
貢前任延州豐林縣令次曰匡贊前任劔州普安縣  
主簿幼曰文質任梓州永泰縣令俱以簪笏官途學  
行清敏政則洽已惠乃周物自棘口樂良泣血絕漿號  
護精髮毀瘠終制及靈昇南邁哀戀北堂禘嘗之儀壹  
暮增潔竊以鴈行式序祈請永年土木非剛刊石為事  
傳每愧孱薄冲讓未獲辱命深翰為詞頗難銘曰  
黑水之西終山之北厥土上上人惟温克  
鄭謂之先秦風是則簪笏所繼其儀不忒  
淵慎佳美咸曰貞庶婦禮弥著母德式瞻  
家以議後子以道謙未獲榮養奄弃恩嚴

豈曰盛衰

抑奪人慾

千載之後

悲此山曲

魏邈墓其子匡贊已誌之矣此誌為其趙氏祔葬而作題魏君夫人墓誌而前幅叙邈官履甚詳則仍為合葬誌也匡贊誌云授懷果二州參軍皆未上而此云凡歷四郡皆直道佐理所載已失其實又匡贊誌載子三人長即匡贊仲日文質季曰齊貢而此誌則稱長曰齊貢次曰匡贊幼曰文質兄弟之序顛倒至此作者偶誤其家人亦不更正何也匡贊誌云女三人而此誌則曰有女四人長適皇甫氏又為匡贊所遺一家之事二石互異考據家欲據眾手共成之史辨論千古得失不亦難哉誌首所稱文貞公乃唐初

相國徵也志中振作振儒作儒粹作粹冥作冥剛作  
剛號避虎字諱作豨世巨字以避太宗諱缺筆石  
右墓志首尾共廿八行文首行廿九字餘多參差不  
等行書字徑四五分文為王儁撰道光戊子三月予  
自吳門碑帖估處購得文中次任婺州司功參軍次  
任宣州司功參軍十六字脫而補刻於旁攷魏姓本  
周武王弟畢功高之後畢萬仕晉封於魏因以為氏  
廣韻云出鉅鹿任城二望今此志引世本秦改魏為  
鉅鹿郡又云徙家於山南今則洋州興道人魏邈  
之望出於鉅鹿也又云國命良相謚曰文貞公者即  
太宗時相魏徵也志首題云宣功參軍者即宣州司

功參軍之官也邈於元和九年十月卒宣州司功參軍之任於元和十年十月歸葬萬年縣洪固鄉北韋村後至會昌四年十一月其妻趙氏歿於延州豐林縣於五年十一月祔葬北韋村王傳始為作志銘志叙其四女於三子之前或因女皆先生長於其子也而又讚美其女至三四十言之多可謂冗蕪無識殊失行文之體矣志文不足取而字頗渾厚圓勁惜無書人姓名此刻世本之世及二民字皆避諱闕筆參閱之參與參軍之參皆作參是唐人讀曾子之名與參軍同矣此與元和十五年韋端志皆云葬萬年縣洪固鄉而前人未有著錄者蓋皆近日土人發掘得

之始傳於世也長安志載萬年縣洪因鄉管邨四十

八此北韋邨蓋其一也

古泉山誌  
金石文編

按魏邈夫人趙氏墓誌銘王儔撰邈葬時子匡贊  
自撰誌銘所稱今年其年明年不詳何年前跋為  
元和十年者以歲次乙未推之證以此志更為明  
著二誌中有互異者邈誌云不復知先人之事此  
誌上溯良相文貞公則託於鄭國公魏徵之後邈  
誌寄居京兆咸陽縣此云徙家山南洋州興道邈  
誌葬萬年縣畢原此云萬年洪固鄉北韋村北原  
邈誌趙氏試壁州別駕昇之女此云壁州長史昇  
之仲女其尤所不解者邈誌女三人長素恭嫁李

氏仲季風嫁侯氏季季雅猶未從人兒三人長即  
匡贊仲曰文質季曰齊貢此誌則云女四人長適  
皇甫氏次適李氏次適侯氏幼適王氏子三人長  
齊貢次匡贊幼文質女適王氏者當即季雅而長  
適皇甫者何不見於前誌且列齊貢於匡贊之前  
以季子為長長子為次次子為幼鴈序悉紊又何  
說也元和郡縣志宣州江南道宣歙觀察使管洋  
州領興道縣山南西道節度使管懷州河北道河  
陽三城懷州節度使管果州壁州並山南道婺州  
江南道浙東觀察使管延州領豐林縣關內道鄜  
坊節度使管劔州普安縣梓州永泰縣並劔南道

東川節度使管

温佶神道碑

在河南安陽縣家鎮正書

唐故太常丞贈諫議大夫温府君神道碑并序 淮南

節度副大使知節度事管内營田觀察處置等使金紫  
光祿大夫檢校尚書右僕射同中書門下平章事兼楊  
州大都督府長史上柱國奇章郡開國公食邑一千戶  
賜紫金魚袋牛僧孺撰 正議大夫守左散騎常侍充

集賢殿學士判院事上柱國河東縣開國伯食邑七百  
戶賜紫金魚袋裴潏書 朝散大夫守尚書虞部郎中

缺篆額  
姓名





風類隨忠氣合發當是時二顏橫起虜喉咽斷  
愁幾至  
實繁公之助也軋元至德間太尉臨淮正以智力  
自高少為士屈待公如神不  
乞以爵糜因授  
太常丞公行藏有素訖謝而去華奢聞顯益不喜愛摛  
神滅  
人而已以建中元年卒于鄴郡之  
成安里

穆宗文宗

也子男

五人

曰邁曰邈曰造曰

曰遜

人夫天

者氣實一

早世具

於仲兄今尚書公誌墓文邈於長慶大和間累以拾遺  
補闕□□□□詔□□故徐州□僕射飛章□為□□  
朝□□□起為百里□□□昔荀淋陳仲弓父子  
兄弟以貞名高行為時師每歲安車蒲輪玉帛贊幣填  
塞門葢代光榮之今溫門二世幣轉徵書不絕於道□

□□□□□□□□□□歟天將稱其德而止其家而今

河陽三城節度使檢校戶部尚書公出焉尚書名造即

諫議公之第三子潛武經文□□□□□□□□□□

□□<sub>平</sub>生之行具於故禮部郎中知制誥唐君次誌諫

議公墓文虜蹲蛟蟠卅始動五臺百□爭以狀□累官

至尚書右丞屬與元軍亂節度使李公為兵亂所殺朝

廷憂之宰相泣於上曰李絳反不□□□而今而後□

天下之為鎮者孰敢□<sub>出</sub>頭了辦是役惟温造可夷其

亂文宗亦以為能授山南西道節度使公單車去舉止

如書生入之日自旦及午擁叛卒會飲殺八百餘人復

梟其首亂者百廿人祭李公之柩於是朝之大□□□

□□□□若温公者吾其可名乎微温公吾其能保

其任而完其生乎當是時若事或不幸即四方之佼佼

者側目而蜩起其可量哉識者以為公之□□□□

□而截天下之流不橫矣其後由台階而贊大化福萬

品而光祖先斯人之望可指而待嗟乎諫議之烈不泯

而尚書之德復昌温之世澤其有窮乎唐制位三品者

父祖得以刻石紀神道僧孺於尚書為□□□日月為

多時門風祖烈聞之悉文其石何敢讓於銘銘曰

先生之先在世多才曰博宏將三英彦眎黎公瀛州行

□而羶華實難并系世復卑位不稱德□□□厥有

先生先生□□□入神扶顏遏安批裂兩河飢鯨駭

與幾死坑窠兵血之間笑言委音遲不有其庸孰利於  
名名徒而□□□□人思德望生必有子尚書之□  
□□□□晦當大明功曝而貴喜其先生亦已不死誰  
其刻詩楊郡長史

碑無年月温佶卒于建中元年撰文之牛僧孺為文  
宗宰相碑中有穆宗文宗等字其時文宗已稱廟號  
則碑當立於武宗會昌間矣温氏之先唐書宰相世  
系表有二說一謂姬姓唐叔虞之後封于温一謂邾  
至食采於温碑叙姓源主後說謂温為顓頊後已姓  
在夏封於温至周之邾至別封於邾碑云曰序而忠  
曰恢而智謂後漢護羌校尉序魏揚州刺史恢也美

良嶠武謂魏濟南太守恭之子美及晉河東太守愔之子嶠也銘云曰博宏將謂佶之高祖禮部尚書大雅字彥宏及其弟彥博彥將也黎公瀛州未詳所指皆溫之先世也世系表佶之曾祖及祖皆闕其名父南鄭令景倩碑叙高曾祖父適當泐處僅存無隱二字据表無隱大雅之子佶之從曾祖也又云口州生范陽令晉冲口州當是佶曾祖之官范陽令晉冲則佶之祖也表載佶子邈造遜三人造字簡輿河陽節度使祁縣子新書附大雅傳佶子之最有名者據碑邈有兄遘遜有兄泐其名則佶實五子也皆可補世系表之闕唐書佶附四世祖大雅傳載其往平原

見顏真卿事即碑所謂魯郡太守顏真卿守平原公策杖往謁也又云李光弼厚遇之即所謂太尉臨淮王待公如神也又載其居鄴為薛嵩所荐授太常丞碑僅存乞以爵靡四字即嵩奏中語也碑後叙借子造平興元軍亂事據唐書造傳補其闕文

符清館金石錄

### 三天洞蘇道淙題記

石高二尺四寸廣一尺三寸四分行七字正書左行在江蘇蘇州府

宣歙池等州監軍使蘇道淙大中元年口月廿七日游三天洞回而題記

### 王宰記石

高二尺九寸廣四尺五寸二十九行行十八字正書在山西靈石縣



河東節度觀察等使光祿大夫檢校司徒兼太原尹北  
都留守御史大夫上柱國太原郡開國公食邑二千戶  
王宰

開成五年自隴州防御使拜工部尚書節制邠寧至會  
昌三年蒙 恩換許昌節至九月自許昌統當軍驍卒  
洎河陽義成宣武浙西宣歙等軍兵馬充攻討使誅除  
蓋關寇嗣至四年八月十日梟逆首獻 闕下蒙

恩拜寵除左僕射至九月將歸許昌軍次溫縣 天使  
持節至又授 寵詔遷鎮北門十月過此至會昌六年  
上登 寶位蒙 恩加司空至大中元年奏以雪蔚朔  
三州之腹為賊呀要故戍舊封多所廢缺蕃寇奔突無

所限礙又相厥土濃壤可出軍口遂疏其利宜請立耕  
戰三城募卒六千任其事務農習戰永斥邊寇克富軍  
儲至二年九月秋成境肅上錄其功詔就拜司徒  
宰以叨乖微効恆寄北都及今五稔日懼幸悔靡違非  
據遂瀝誠拜章乞覲明庭既蒙恩下允誠懇至  
十二月十二日遂得恆詔擁節趨闕赴正

朝聘之禮至明年正月十一日又蒙

聖旨擢加光祿大夫依前掄校司徒却歸本鎮至二月  
五日過此因覽其重巒復疊積樹參差泝水迴牙而潺  
湲天險蔽挹而崇固可壯夫霸畝皇業万代之基  
駐旆闕亭吟睇移景又覩中令河東公及相國令

狐公左揆

狄公相國

崔公來罷之題列遂輒紀其

轉歷及徃復所自云

從弟節度判官殿中侍御史內供奉賜緋魚袋坤  
男前口司禦錄事叅軍嗣宗並從行

按此河東節度王宰以大中三年二月自京師還  
鎮道經靈石追憶會昌四年遷鎮過此因刻石紀  
行且彰功伐也唐書本傳王智興懷州温人子晏

宰後去晏獨名宰累擢邠寧慶節度使

復回鶻平徙忠武軍貞元三年置陳許節度使治

許州十年賜號忠武軍節度

討劉稹也詔宰出魏博趨磁州以兵五千椎鋒兼  
統河陽行營進取天井關

晉城陵川攻陵川晉城陵川  
並屬澤州

高平破賊石會闕進攻澤州其將郭誼殺稹降宰

傳稹首京師遂節度太原

武宗本紀會昌三年四月昭義軍節度劉從諱

卒子稹自稱留後九月忠武軍節度使王宰兼河陽行營攻討使十二月克天井關四年八月昭義軍將郭誼殺稹降宣宗初入朝結權幸求相周墀劾之乃

還軍吐蕃引黨項回鶻寇河西詔統代北諸軍進

擊以疾不任事徙河陽罷為太子少保分司東都

進少傅卒子晏實智興自養之故名與諸父齒終

天雄軍節度使此記與唐書悉合惟方鎮表大中

五年以隴州置防禦使據此則在開成之初不自

大中始矣許昌屬許州潁川郡忠武節度治許州

故曰許昌節河陽義成宣武浙西宣歙諸軍並見

方鎮表河陽三城節度使建中二年置以東綏觀  
察兼之貞元十二年復置河陽懷節度使治河陽  
元和九年增領汝州徙治義成軍本滑衛節度治  
滑州上元二年置廣德元年更號滑毫節度大曆  
七年賜為永平軍節度貞元元年更號義存軍宣  
武軍即毫宋穎節度治宋州建中元年置尋號宣  
武軍興元初徙治汴州浙西宣歙軍乾元元年置  
浙江西道節度兼江寧軍領昇潤宣歙饒江蘇常  
杭湖十州治杭州上元元年徙治宣州時宰以忠  
武節度充攻討使兼統河北河南浙西江西諸節  
度軍也曰壺關寇嗣者以劉稹為從諫嗣子昭義

軍節度治潞州上黨郡屬有壺關縣漢書地理志  
壺口關天井關並上黨郡曰移鎮北門者宰自忠  
武移節河東為京師北鎮方鎮表開元十一年更  
天兵軍節度為太原府以北諸軍州節度河東道  
度支營田使兼北都留守領太原以及遼石嵐汾  
代忻朔蔚雲九州治太原十八年更太原以北諸  
軍州節度為河東節度會昌三年以雲蔚朔三州  
置大同都團練使治雲州四年升大同都防禦使  
宰於大中初疏奏三城耕戰之備上錄其功是大  
同防禦仍受制於節度也唐靈石隸汾州西河郡  
南有陰地關又有長圍關所云駐旆關亭是也中

令諸公題列多不可考從行者為宰從弟坤男嗣宗嗣宗蓋晏實弟傳所未及者唐時王宰有四晏宰而外見於唐書者宰相世系表琅琊王宰國子司業郭子儀傳婿光祿卿王宰又名畫錄蜀人王宰善畫山水樹石見杜甫詩惟李白詩王宰夜相邀乃指漢陽邑宰故望漢陽柳色寄王宰詩云寄謝絃歌宰宰非名不得附會也是刻為今冀園道華州王公志灑宰靈石時拓寄亦金石家未著錄者

內侍王守琦墓誌

石縱橫各一尺六寸二十二行行二十二字正書出於陝西咸甯縣南鄉今在江蘇陽湖董氏

唐故正議大夫行內侍省內府局丞員外置同正員上  
柱國太原縣開國男食邑三百戶賜緋魚袋王公墓誌  
銘并序

將仕郎試右監門率府錄事參軍劉景夫述

公諱守琦父皇任朝散大夫充內酒坊使諱意通之第  
九子也公早朝 禁掖旋授勛 恩配賢 父天寔遇  
慈昊訓以文藝卓以詩筆教以溫常誠以廉克仁德播  
於流聲特選名於肘掖恪恪奉 主孜孜在家貞清絕  
邁於古賢礪聽全逾於往哲斯可為天之祐也故得常  
居 寵秩朱綬銀兪握 恩不樹於先宗煥彩實暉於  
後嗣貞元十二祀入仕大中三載退歸私第因寢疾崩



於歲十二月十五日緣久居崇祿先塋稍隘爰於舊  
墳西南隅初建斯塋也伏以先墳高聳碑秀峨峨族裔  
具書此不列之公先夫人張氏早喪附在大塋嗣子四  
人長曰後祐適而往逝亦附大塋今夫人謝氏追念  
前恩悲嗟楚後哀慟過於斑家調訓同於孟母今至孝  
男允質次曰後盈又次曰後泰等嗷嗷血淚逾甚高柴  
晷侍晨夕殊邁曾哲生事已畢葬事將塋宅地吉辰同  
刻大中四年正月廿三日禮葬郊曰崇義村号南妣土  
事銘詞因斯建也 銘曰

彤彤王公

稊稊和恭

侍親以孝

事君以忠

四科畢備

書劔全功

能章禮樂

能揚國風

少承堯寵 暮乃將退 居上共宗 居下共愛

身歿名章 魂消譽在 鈞鏡人仁 孰不欽賚

誌中兩用後字一云煥彩實暉於後嗣當作後一云  
怨嗟煢後則又當作獨銘詞中兩用鈞字一云書鈞  
全功一云鈞鏡人仁字書鈞音日鈍也與此文義不  
合當是鈞字別寫天子曰崩則妄甚矣文內掖授播括握揚  
通用此誌書卒曰崩則妄甚矣文內掖授播括握揚  
凡从才之字皆作才握思不榭榭應從言此亦作才  
葬事將塋塋當作營吉辰用刻辰當作辰用字缺筆

與僧思恒志同

古誌  
石華

按內侍王守琦墓銘劉晏夫述舊唐書職官志掖

庭宮闈局丞從八品下階守琦以貞元十二年入仕大和三年退歸蓋仕於德宗在位之十七年歷順宗憲宗穆宗敬宗而退歸於文宗嗣位之三年凡在禁掖三十三年矣崇鄉在萬年縣南劉遵禮墓崇義鄉有漣川西原南姚村在崇義鄉與漣川相近蓋即今咸寧縣南鄉犬兆社之南兆塞也此碑出土在修咸寧縣志之後故金石鄉村凡未及錄入

肘腋作掖古通

陸增祥志

### 岳林寺塔記

石缺左方高二尺許廣存八寸許七行行十八字正書在浙江奉化縣

岳林寺塔記

僧君長述并書

自金輔氏應跡迦維大漢教流諸夏尊舍利於支提儼  
靈相於寶殿誠知殿塔之位闕而不可茲寺二所即女  
弟子傅氏二娘之建也傅氏媿于朱室三紀不幸而所  
天早喪愛子又天惇然霜質而恪勤檀度時大中五載  
朔口口殿堂亡焉闕者唯塔傅氏發言曰生下缺

按潛研堂金石文跋尾奉化縣岳林寺有東西二  
小塔東塔嵌石一片乃大中五載僧君長述記文  
稱女弟子傅氏二娘後半殘缺西塔佛像下有隴  
西李柔撰銘首云大中七年歲在口子口月乙巳  
朔廿日甲子亦為施主傅二娘而作文尤剝落

關氏萬夫人墓誌

石縱橫徑尺十一行行十二三字不等蓋題萬  
氏夫人墓誌六字並正書在江蘇儀徵汪氏

故萬夫人墓誌

有唐大中六年龍集壬申十二月十三日豫章郡萬夫  
人終於揚州江都來鳳之里年卅九爰自笄年歸于關  
氏之室育三男一女長子公慶次曰公閔幼曰公聞卜  
其宅地即以當月廿四日窆於揚子縣界江濱鄉白社  
村其地東西十丈南北十五丈刻字于墓庶乎後迷乃  
古千秋永為後記

是誌僅百餘字記卒日葬地甚詳在唐誌中最為簡

潔庶乎之乎當作無揚子縣即今儀徵縣

古誌  
石華

按闔氏之室萬夫人墓誌誌云終於江都窆於揚  
子縣界舊唐書地理志淮南道揚州大都督府舊  
領縣四天寶領縣七皆以江都為治所揚子永淳  
二年分江都置來鳳里江濱鄉白社村足補縣志  
賜白雲先生書詩並禁山勅碑

碑約高三尺有餘今前半存一尺四寸後半存一尺  
六七寸不等廣二尺三十三行行四十五字下截缺  
今每行存二十三三四五六字不等正書字徑四分額  
高七寸廣六寸七分四分行行六字八分書題曰睿宗  
大聖皇帝開元神武皇帝賜白雲先生書詩並  
禁山勅碑二十四字在河南濟源縣王屋山  
睿宗大皇帝書

敬問天台山司馬練師惟彼天台凌於地軸與四明而  
蔽日均入洞而藏雲珠闕玲瓏琪樹璀璨九芝含秀八

佳舒芳  
赤城之域斯存青溪之人攸處司馬練師德超  
河上道邁浮區高游碧落之庭獨步青園之境朕初臨

寶位火藉徽猷

雖堯帝披圖翹心齧缺軒皇御曆締想

崆峒緬惟彼

懷園妨此願夏景漸熱妙履和和思聽真

言用袿蒙藏朝欽夕佇

迹滯心飛欲遣使者專迎或慮

驚懼故令兄往

願與同來披叙不遜先此無恙故勃

錄師道實徵明德惟

虛寂凌姑射之遐軌激具茨

之絕風自任鍊藥名山

祈真洞壑攀地肺之紅壁坐天

台之白雲廣成以來一人而已足

可發揮仙圃散藻元

闕海嶽為之增輝風霞由其動

色弟子竊懷河上側行

巖幽鶴馭方來鳳京爰降對安期之烏問

稷園之琴順

風訪道諒在茲日所進明鏡規制幽奇

隨至道之精舍

太易之象藏諸寶匣銘佩良深故秘

先生

道風獨峻真氣孤標餐霞赤城之表馭風紫霄

之上通

俗無問逢時有待躔詢蓬萊之府持還桐柏之巖鴻寶

少留鳳裝難駐閑居三月方味廣成之言別塗萬里空

懷于陵之意然行蘇異跡聚散恒理今之別也亦何恨

扶白雲悠

悠杳若天際去德方遠有勞夙心敬遣代懷

指不多及

開元神武皇帝書并詩

勅司馬鍊師以吐納餘暇琴書自娛蕭灑白雲起馳元  
圃高鶴可重鑿遼蘿薛之情雅志難留敬順喬松之意



音塵一

問俄歸葛氏之天台道術斯成頃縮長房之地

脈善自

珍愛以保童顏志之所之畧陳鄙什既叙前離

之意仍懷別後之

資故遣此書指不多及

勅

十五日

五言送司

馬承禎還天台

紫府求賢士

清溪祖逸人江湖與城闕

異跡且殊倫聞有幽棲者居

然厭俗塵林泉先得性

松桂欲謝神地道喻積靈天台

接海濱音徵從此開萬古一芳春

陽臺觀

天尊殿內

壁畫高竄丈陸尺長玖拾伍尺

下缺二字迴貳伯尺畫神

仙靈鶴雲氣

右畫王屋山

下缺二字依按經傳創

意作圖檢校莊嚴今至成畢於是海區下缺二字壽福

聖躬道祐延長神 得久又以開圖幽

下缺二字

靈山景觀法徒不勝忻荷所有畫匠手功及買彩色等

下缺二字陛下本命紫綾及

十四字酬還訖承禎比加

不獲 下缺二字事跡題目二卷上進謹錄狀以聞題奏

開元二十三年 下缺二字省米狀知道觀畫諸仙之象

甚 著想休暢也山水之 下缺二字增勤用修彼禪留

當觸緒 厥 薄 何獨當之惠人 下缺二字地既

託雲洞戒諸清淨因宗降得 斯慎 自蒙命

下缺二字供觀什物亦買得四百疋充 所官 二司付

家人 司 下缺二字先生緣慶觀清 期取八月五日

秋熱尊師 妙尊書指不 下缺二字洞靈觀五嶽名山

先生置

王屋山置仙臺

臺

下缺一字二同

馬冲和

請禁山廟遊

樵採奉

勅宜依

御賜白雲先生寫在

恐年深

謹錄刊於

下缺

大中八年太歲甲戌四月乙卯二十

一日乙

下缺

陽臺觀

曰泰

下缺

右睿宗元宗賜白雲先生書詩并禁山勅碑方彥聞訪得拓本見貽碑刻睿宗勅三通元宗勅一通五言送別詩一首司馬承禎陽臺觀內壁書事跡題目二卷狀一首批答一首禁山勅一首碑下段磨滅無字以全唐文全唐詩補錄其全文旁書小字以別之其畫壁記以下無從補綴按唐書司馬承禎傳景

雲二年睿宗令其兄承禎就天台山追之至京此勅  
之所謂故令兄往願與同來也傳又云開元九年元  
宗又遣使迎入京十年承禎又請還天台山元宗賦  
詩以遣之即所刻五言送司馬承禎還天台也按天  
台桐柏觀碑云鍊師名承禎一名子微號曰天台白  
雲故此稱白雲先生而白雲之號兩唐書及廟碣俱  
失載又按此碑諸家均未著錄惟寶叢編引歐陽文  
忠公集古錄目有之云大中八年王屋主簿韓抗書  
以刻石今碑下段雖磨滅而上段大中八年四月一  
行俱存定為即韓抗所書之碑也

筠清館  
金石記

百巖寺修法堂記

碑高一尺四寸廣二尺二寸三十五行行三十一  
二三字不等字徑四分正書左行在陝西修武縣

百巖寺奉勅再修重建法堂記

孫遇空門智本述

唐之勝氣壯懷川之佳景者太行山焉其山東連白鹿  
西接□塢南眺盟津北暨燕岱中有山曰天門岌然巨  
峯藏矣橫帶上插雲漢下□溟壑瀑布懸界噴浪騰空  
靈泉湧沙分流散谷空澗確犖盤石崢嶸□□千尋磅  
礴□丈古松偃蹇點翠屏以如粧嵐氣氤氳金碧岫而  
若冠孫登臺□時聞虎嘯之聲王列泉邊每聽鷓鳴之  
響劉靈縱酒三年偃處猶存嵇康劔□千載遺蹤尚在  
齊代長老稠公宴息茲□以立基築至于周末神  
僧談經巖窟聽徒每之飯自天來香從空降時因百家

逃難隱窟茲巖猶此寺題号百巖矣寺之所致四百餘  
秋更替摧殘三〇興廢及我唐貞元歲有章敬大師師  
自清凉下幽薊登徂峽居茲寺翫林藪以暢虛心囑巖  
穹〇〇道味并糞三霜門禪四序凡厥所止道俗如市  
後 憲宗皇帝遠嚮德風徵逐至京以致國師之禮〇  
繼其蹤有范陽大師師亦章敬之倫肩也聞巖寺之勝  
瞻太行之絕〇徒五百道示一乘卜寄茲山禪樓〇載  
後虛劉公遵欽至道邀〇遠赴重以師資之敬〇後名  
德繼踵如燈續燈法眼相承明明不墜即余之先師師  
諱神悟紹國師之後兩度登攀龔章敬之風三秋宴坐  
屬 先皇釐萃毀廢伽藍佛像摧頽僧尸〇道明 勅

既口莫不遵行官吏頒宣敢不從命于時會昌五年夏  
五月十八日其寺廢矣傷夫巍巍大厦翻為瓦礫之堆  
口口金容變作泥沙之聚仰天何訴撫地何依謂言永  
滯口風豈知再覩遺像至六年夏四月武宗昇霞今  
上御口登寶位便啓洪恩創治萬機更宣進口古蹤  
靈跡口口修崇州府伽藍口口舊額轟轟天下浩浩四  
方咸仰聖恩率歸王化會昌七年春三月草号大中  
口居四年秋九月有百姓丁傖董口口口景安通性  
等覩靈山之舊跡感聖上之新恩乃投款於宰主杜  
公啓誠言而欲再造杜公乃圓解申口將聞郡主主左  
庶子李公口覽詞擲筆詳而許之至其年十月十三日

荷命下縣便令修建於是剪荆榛口蒿口豎立尊容安  
施僧室紀綱楚楚典口甄甄皆戮力同心口志雷操者  
也時余因遊舊山躬登陟見山門興廢悲喜交集為僧  
衆口留感荷銘口再言未諾及有同學弟智宗懇志精  
誠願造法堂請余允受乃與之言曰堂成決契宗弟敷  
口教口契心源不言而化任道而行披于平陰遇隴  
西李公諱讓口欵口之於言李公乃特達丈夫英  
明哲士一言道合決口便捨珍帛資往口未逾  
旬月李公倉卒膏盲在躬奄忽而終已去塵世嗚呼有  
匪石之志無終蕢之堅口構泉綿綿宗公出乎孀  
妻暨乎而姪口男景字果終口願更持賄賂便以興工



於是命侄仁匠碩剪材截梓運鋸飛金紀未盈巨  
功告畢其堂中巖之壯一寺之儀臨  
巨壑之顛岌岌聳之勢四角皆日相鎖  
之前後踞南山而禪妙通昏接晝万古  
功罕究命余為文琢珉為記劫石齊堅永永不墜

童子峯

州

李言弟全姪男景

大中八年十月五日記

法隆寺經幢

幢高六尺八面廣各一尺每面九行行各六十字正書在浙江金華府法隆寺俗名金鏡寺

佛頂尊勝陀羅尼經序

十三行不錄

佛頂尊勝陀羅尼經五十四行不錄

一中十一年十一月十五日樹 刺史李蟪 錄事衆

軍衛約 金華縣令余從周 京大興善寺苾芻大憫

僧固鑒 寺主僧義寰 上座僧志謙

都維那僧良達 都勾當僧清溢

慕緣大功德主許成 都料陳政劉簡

于知仁書 沈咸鏤

按幢為于知仁書書極端秀惜無可考幢後題名者惟刺史李蟪見全唐詩幢座八面刻捨錢金華縣錄事劉傳賢等男女三百餘人失捐兩浙金石志從烏程陳廣文焯所錄補入

藥師像讚

碑高二尺七寸廣一尺九寸五分碑分三列上列刻  
序贊中列刻供養人名下列刻施主人名上列三十  
行行十三字至十七字不等中列二十一行行六字  
至十字不等下列九行正書字多磨泐在河南河內  
縣

藥師像讚

并序

粵有東方去此佛刹恒河沙彼國大師厥号藥師琉璃  
光如來經云以白銀琉璃為地宮殿樓閣悉口七寶亦  
如西方无量壽國无有口也此藥師琉璃光本所修行  
苦口道時發心自誓行十二微妙上口令一切衆生所  
求皆得慈如是處等思火宅之難想無依倚遂說諭鄉  
人恃憑內典墮悟迷津逾相誘化至誠結願方會無上

之因各以捨財不怙與道齊通迴心堅貞奔馳於此立  
召良工彫磨斯像使信士等日加精勤時無懈怠用功  
計日備矣莊嚴具相真如恩布之容禮者福利無壇念  
者禍灾永滅自茲懇願國祚永延朝賢無缺元戎布德  
澤潤生靈牧宰常安人戶鼓腹龍神后稷潛佐人天風  
調雨順國泰聯綿施主邑人等生生值佛世往往唯聞  
解脫音德垂後裔令望古今乃祖乃父世篤忠貞子子  
孫孫引無極也復願幽冥先亡早離三塗內外姻親咸  
登法會時屆咸通貳載歲臨辛巳九月壬申十五日丙  
戌用表成功以明著矣洞徹空宗志謂斯文 巍巍堂  
堂光振遐方恩霑草芥蠢動令康賴者必副魔弃郊荒

自茲永泰萬國咸昌其一善哉善哉禍去福來英人哲人  
捨食捨財以懷多福法門常開願生彼國長處蓮臺其二

維那撰兼書

奉釋教演化維那郭崧

虔奉聖旨結巨供養者貳拾有壹人內五人寄庄河內

處士韋敬 路虔 李德 前滑州白馬縣主簿張

潘 鄉貢明經郭崧 郭宏慶 張寶 李文素 已

上三人住複背村 宋惟雅 吳雅 彭宗禮 楊緒

楊文亮 李君和 已上六人住期城村 潘恭

□□□ 王卅慶 李壽 缺 邑名 尋季 缺 已上

四人住潘村 董師諫 王宗逸 已上二人住王村

都□□ 同鑄□□ 同□□匠張□ 裝畫崔元

□□

助修功德施主

前韶州衙推崔綽

試協律郎范滄

施主李從周

施主范從政

施李

缺

施

缺施

缺

維邠撰兼書而不著其名氏中列有演化維邠郭崧  
又稱鄉貢明經郭崧而文中有崧□云云當即崧撰  
并書也又中民字缺筆屢書世字不缺筆何耶書法  
頗有北魏遺意河內縣志

長史程修已墓志

縱橫各尺五寸三十分行行三十字正書蓋題唐故廣平程府君墓銘九字篆書在陝西咸陽縣

唐故集賢直院官榮王府長史程公墓誌銘

并叙

鄉貢進士溫憲撰 男進思書 男再思篆蓋

程氏之先出自伯休甫其後程嬰春秋時存趙孤以節義稱故國世有令聞 公諱修己字景立曾祖仁福左金吾衛將軍祖鳳婺州文學父儀蘇州鑿博士 公幼而重固通左氏春秋舉孝廉來京師遊公鄉名人間能言齊梁故實而於六法特姿稟天錫自顧陸以來夔絕獨出唯 公一人而已大和中 陳丞相言公於昭獻因授浮梁尉賜緋魚袋直集賢殿累遷至太子中舍凡七為王府長史趙郡李弘慶有盛名嘗有鬪鷄擊其對傷首異日 公圖其勝者而其對因壞籠怒出擊

傷其盡李撫掌大駭

昭獻常所幸犬名盧兒一旦

有弊蓋之歎

上命

公圖其形宮中畋犬見者皆

俯伏

上寵禮特厚留於秘院凡九年問民間事

公掛口不對唯取內府法書名畫日夕指擿利病

上又令作竹障數十幅既成因自為詩命翰林學士陳

夷行等和之盛傳於世 公於草隸亦精

章陵王

冊及懿安太后謚冊皆

公之書也丞相

衛國公開

有客感右軍書帖三幅

衛公購以千金因持以示

公公曰此終已給彼而為非真也因以水濡紙抉起果

有 公之姓字其為樗杏百卉蜂蝶蟬雀造物者不能

爭其妙於其際仍備盡法則筆不妄下世人有得 公



片迹者其緘寶耽翫千古昔 公嘗云周侈傷其峻

明張

□□其澹

張大府

盡之其唯

韓乎又曰吳恠

逸

通

陳象似幽恚揚若痿人強起

煥許若市中鬻食

性夷

雅疎澹白皙美風姿趙郡李遠見之以為沈約謝朓之

流大中初詞人李商隱每從

公遊以為清言固味可

雪縑垢憲

嚴君有盛名於世亦朝夕與

公申

莫逆之契高遊勝引非

公不得預其伍 公又為

□□盡毛詩疏圖藏於內府以咸通四年二月一日

遭疾歿于京國里第享年□十九先娶葉氏有子三人

長曰進思鄜州甘泉主簿次曰退思詩歌尤高妙與

公迹殆相亂又其次曰再思於小學靡不通工篆籀其

為狀澹古道健後娶石氏有女二人長適滑州韋城縣  
尉景紹一女幼石氏亦先公而亡以其年四月十七  
日葬於京兆府萬年縣姜尹村憲嘗為詠蛺蝶詩公  
稱其句因作竹映杏花畫三蝶相從以寫其思其孤以  
憲辱公之眚遂泣血請銘銘曰

五曜垂晶 羣山降靈 鍾茲間氣 瑞我昌庭

遇物生象 乘機肖形 情通勝蠻 思入微冥

顧陸遺蹤 賈張舊轍 芳塵寂寥 妙迹蕪絕

故筆空存 神毫永輟 千齡万祀 慘澹夷滅

修已為畫苑名家而圖畫見聞志圖繪寶鑑諸書皆  
闕而不載惟杜荀鶴松窗雜記載開元中有程修已

者善畫元宗問牡丹詩誰為首出對以中書舍人李  
正封詩曰國色朝酣酒天香夜染衣上嗟賞移時誌  
載修已卒於咸通四年上距開元末年凡一百二十  
二年杜記時代亦似未確修已事蹟見朱景元唐朝  
名畫錄修已冀州人此誌未載其鄉貫名畫錄云祖  
大愿中仕越州醫博士父伯儀誌云祖鳳婺州文學  
父儀蘇州醫博士所載互異以誌為確名畫錄云周  
昉任越州長史修已師事之凡二十年盡得其妙應  
明經擢第誌僅載其舉孝廉來京師以待詔畫院得  
官則非以科第進也名畫錄云大和中文宗好古重  
道以晉明帝朝衛協畫毛詩圖草木鳥獸古賢君臣

之像不得其真遂召修已圖之皆據經定名任意採

掇由是冠冕之製生植之姿遠無不詳幽無不顯又

嘗畫竹障於文思殿文皇有歌云良工運精思巧極

似有神臨窗時乍覩繁陰合再明一作臨窗思理繁陰合再明在殿床

殊當時在朝學士等皆奉詔繼和二事與誌同不及

名畫錄之詳撰誌者為詩人温庭筠子憲誌云大和

中陳丞相謂陳夷行也陳夷行之相在開成三四年

非大和中夷行及李商隱唐書皆有傳李遠字求古

大中建州刺史新書藝文志有集一卷昭獻文宗廟

號章陵文宗陵名懿安太后憲宗后郭氏也丞相衛

國公武宗時宰相李德裕也修已所評諸畫家周昉

張萱韓幹皆長安人昉萱以人物勝幹以畫馬名吳道子善畫鬼神楊庭光與道子齊名善寫仙佛像許琨開元中以畫人物名皆見歷代名畫記誌中世字凡三見皆不缺筆惟蝶葉二字仍改葉作素是誌磨叻過甚幾不可讀今細為審識所缺者才數字耳昔人云思誤書亦是一適錄畢為暢然者久之估誌

按程修已畫名盛著以陳夷行薦受知於文宗歷文武宣懿四朝凡三十餘年開成四年八月葬文宗元聖昭獻孝皇帝於章陵大中二年十一月葬懿安太皇太后郭氏於景陵皆奉詔書冊工草隸筆跡幾與右軍相亂又與李商隱温庭筠交遊時

有沈約謝朓之目則固善書能詩藝兼三絕不獨  
擅長六法已也朱景玄唐朝名畫錄程修已列妙  
品第四冀州人祖大厩中仕越州醫博士父伯儀  
少有文學畫東封圖為時所寶修已無工寫真人  
物鞍馬花木草木鳥獸古賢士女真仙佛像山水  
竹石與誌詳畧互異又名賢畫錄唐大和中文宗  
好古重道以晉明帝朝衛協畫毛詩圖草木鳥獸  
古賢君臣之像不得其真召修已圖之皆據經定  
名任意採掇由是冠冕之製生植之姿遠無不詳  
幽無不顯誌所謂畫毛詩疏圖藏於內府是也刊  
泐處當即昭憲二字全唐詩文宗題程修已竹障

注云修已冀州人學周昉畫嘗畫竹障於文思殿  
帝賜以詩朝士皆奉詔繼和與此誌並合惟修已  
評畫於周張楊許皆有微詞後人以為學昉殆非  
所願耳又唐詩紀事全唐詩話並載文皇好詩大  
和中賞牡丹上謂修已曰今京邑人傳牡丹詩誰  
為首出對曰中書舍人李正封詩天香夜染衣國  
色朝酣酒時楊妃侍上曰粧臺前宜飲以紫金盞  
酒則正封之詩見矣今紀事文皇誤作明皇詩話  
程修已誤作陳修已皆可据此正之集賢直院官  
唐六典集賢殿書院有書直畫直官為直院開元  
十九年奏定太子春坊中舍人正五品上職擬中

書侍郎親王府長史從四品上掌統理府寮紀綱  
職務誌云七為王府長史題以榮王府者從最後  
書之餘不可考唐書宗室世系憲宗二十子榮王  
愷嗣王令平誌詳程氏先世而不及里居篆蓋題  
廣平程府君文宗詩注及名畫錄皆云冀州人廣  
平郡在唐乾元後為洺州與冀州並屬河北道程  
修已當是洺州人本其舊望故稱廣平因屬禹貢  
冀州域故亦曰冀州修已卒於京師未歸葬誌歿  
於口國里國上刊一字宋敏求長安志朱雀街東  
第三街南有昭國坊即此里也杜荀鶴松窗雜記  
載開元中有程修已善畫為元宗誦牡丹詩開元



當是開成之誤元宗當是文宗之誤温憲庭筠子  
登進士第光啟中為山南從事

古誌石華所載與此多異字彥立彥作景幼而  
重固重固作英敏姿稟天錫作天賜擊其對擊  
作為撫掌大駭作愕然大駭圖其形宮中作圖  
形於宮中因自為詩自作別畫毛詩上作昭憲  
二字此缺竇張舊轍竇作李妙迹蕪絕絕作沒  
又書帖三幅筠清館本無帖字竇張舊轍竇作

曹

陸增祥志

功曹叅軍劉仕備墓誌

石縱橫各一尺九寸二十行行二十一  
字至十九字不等正書在陝西咸陽縣

唐故朝議郎守徐州功曹參軍上柱國劉公墓誌銘

御食使登事郎上柱國賜緋魚袋張彥撰并書

公諱仕備字匡同彭城人也 祖諱光奇開府知內侍

省事父皇諱英閏特進 太夫人楊氏 妻張氏先終

公有二女長適田氏次適張氏二男曰壽郎先逝次曰

齊宴年十二公氣含清韻獨異貞姿業廣藝深事皆天

假孤標狀高松之援衆林朗質若秋蟾之懸碧落温恭

克已節儉修身順協于家忠貞于國公寶歷二年六月

五日奏授出身累參選序數授令丞後任徐州功曹參

軍公紀綱一郡掾理六聯清貧而吏靡忍欺單步而人

懷其惠操心政理美譽溢彰枳棘非鸞鳳之所栖百里

豈大賢之所任公性親因與志慕雲霞朝披黃老之書  
暮覽南華之要誼臨每馱殫稅歸元身既離於俗塵名  
之著於紫府公咸通七年十二月一日終於輔興里春  
秋八十矣八年正月廿五日葬于長安縣龍首鄉祁村  
嗚呼寒暑忽復纏綿數載針藥無療百齡斯泯嗟夫盛  
衰生死實可痛哉乃為銘 波瀾不息 逝水孱孱  
浩浩悲風 摧口何遄 千生永訣 一往無還

咸通八年正月廿五日

誌敘仕備之父曰皇諱英閏特進皇字當是衍文特  
進乃其官階太宗昭陵陪葬諸碑內豆盧寬碑額曰  
唐故特進芮定公之碑不叙其由某階特進某階亦

此例也又撰書此誌之張元勿署銜曰登事郎唐制  
初入仕版者由將仕郎進授登仕郎後劉遵禮誌所  
云開成五年授將仕郎會昌元年授登仕郎是也此  
云登事郎疑是筆誤誌中宴作宴聯作聯侵作侵公  
寶歷二年公紀綱一郡公性親元奧三公字皆可刪  
公咸通七年此公字當作以

古誌  
石華

按劉仕公墓志銘嘉慶中出於長安張彖撰書字  
書無彖當即彖字變體作彖省文作彖也上柱國  
正二品勳官朝議郎正六品上上州諸叅軍從七  
品下御食使即正九品之尚食唐職官志正八品  
上有給事郎正八品下有徵事郎正九品下有登

仕郎而張豸散官結銜作登事者或避仕備諱故改仕為事耶並帶上柱國勳高職卑殆即舊書所云以門蔭結品參差不定者歟輔興里即輔興坊在唐城朱雀街西第三街修德坊之南頒政坊之北見長安志龍首鄉在今咸寧縣南龍首原上仕備咸通七年年八十蓋生於德宗貞元三年

豸古誌石華作元勿二字殊誤又人懷其惠操心政理二句缺其惠操三字名定著於紫府句缺著字可据此補之

陸增祥志

盧夫人崔氏墓誌

石高二尺九寸廣二尺七寸三十五行行三十六字正書在河南洛陽縣

唐故太子司議郎分司東都范陽盧府公夫人清河崔氏祔葬墓誌銘 并序

外甥鄉貢進士李遂撰

有唐大中景子歲建己月廿一日太子司議郎分司東都范陽盧府公諱約邁疾歸全於東都依仁里之私第享年六十其年十月十五日窆於河南府河南縣伊洛鄉解賈村先塋之側禮也外甥太原王凝己書德業官序于前誌詳之矣夫人清河人也曾祖著皇河南府士曹參軍祖褒皇河中府戶曹參軍顯考丕皇絳州湖城縣令顯妣范陽盧氏父瑾皇河中口尹山東士族例以脩持門閥比技姻媾為

光大如 夫人之內外若仰昊穹而望烏兔俯軒檻而  
聽笙鏞有耳有目者皆知其明麗清響不可得而侔矣  
夫人稟性和柔志惟口順詩書刀尺皆臻奧固年十  
八歸于 我伯舅時 伯舅方著美稱較藝春闈 外  
王母在堂 夫人奉溫清籩豆之儀主逢迎酒食之費  
孜孜不怠禮無遺事親戚到者輻湊如歸泊 先姑捐  
館司議府公終制之後以塵甑縈慮遂捨志業從知於  
故相國盧公鈞辟居版圖峴首壺關三府賓席 夫人  
皆能輔佐嘉謀以彰 令範旣而 司議府公同自漢  
南赴辟山北途經洛汭獲觀 慈親然以 先夫人  
癯居暮年惇獨無託終鮮在念更切晨昏因捨行車就

家伊北遂與李氏伯姊同奉甘滑朝夕承顏無違

瞬息旋屬司議府公修聘淮海道中疾謝職還家退

休林口而夫人憂切之心屢形於色故衣不重綵食

不兼味內以節儉自持外以溫和順適罄筐篋玩具以

奉藥餌辛勤積年未嘗以匱乏介意以故司議府公

雖抱沉疴獲安頤養事無撓志慮不及家實夫人明

敏賢行之所致也適以禍及移天毀鍾所恃未期而

李氏伯姊繼掩夜泉夫人拔血號天形神靡託因

茲冤憤沉頓成疾永懷先舅姑龜兆未從尚寄秦隴

司議府公違裕之晨寄託所重外甥玉凝共聆哀懇

同為主辦並感遺言夫人扶疾親臨遽忘疼苦既竭



精志禮物遂周遠奉 宦岁來歸 故里婦道斯異孝  
德備矣六親欽矚舉族師資宜乎福善無窮慶流遐世  
豈謂竟以舊疾所縈終徵夢豎秦鑿莫效天道杳冥以  
咸通六年乙酉歲十二月六日奄鐘易簀之歎於東都  
集賢里第享年五十六至丁亥歲二月二日龜筮告叶  
遂遵於防之禮 夫人秉坤順之富謙光之義孝行仁  
淑四德克備未列魚軒之貴靡居石窹之封長縈疾瘵  
以至數窮豈天命耶 夫人兩女皆早 二子嶠岫各  
讀書為善力務追脩於公之門期有以待旋值青烏時  
逼庶事未周寢苦絕漿泣血惶惑乃相顧言曰我外兄  
王凝方金章紫綬剖符列郡外兄李遂尋經翫史棲志

林泉不若丐□芻於□輔徵銘誌於長水朔日遂遣僮  
僕星馳兩地王公果脫驂以贖之遂跪捧哀詞□孫  
竟夕乃自思曰沉困名場垂二十載無路遷鶯終隨退  
鷓矧方處懸磬既無機杼之贈又仲弟叨忝更接榛栗  
之榮因追渭陽之恩慈感朗陵之荒懇遂齋戒沐浴  
泣石銘曰懿行崇高兮淑德無比秦晉好合兮山  
東具美未臻榮貴兮家道屢空不享遐齡兮悲風  
四起昔諧琴瑟兮積善所履今並松楸兮聖賢遺  
旨佳城再掩兮永永年祀唯有音徽兮騰芳不弭  
姪男鄉貢進士嵩書

按盧約夫人崔氏祔葬墓誌銘甥李邃撰姪男嵩

書嵩名而不氏未知崔盧誰屬以名義推之與嶠  
岫相從當為盧嵩即約之從子也夫人先世清河  
崔氏唐書宰相世系清河小房岐州刺史秀子  
著著子褒褒子丕並與誌合盧公之葬以大中景  
子十月為宣宗十年夫人祔葬以咸通丁亥二月  
為懿宗八年相距凡十二年也

高壁鎮通濟橋記

石高三尺二寸廣六尺七寸記三十二行行二十字  
至二十五字不等題名十九行行字不等並行書在  
山西霍州  
沙石縣

河東節度高壁鎮新建通濟橋記

蘭陵蕭珙撰

粵茲雄鎮實河東軍之要津封接蒲城當舜夏墟口舊地有關曰陰地有亭曰鴈歸固晉川之一隅通汾水之千派金流洶湧林麓森沉東控介巒西連白壁峯巒刀刃壁峭千尋足食足兵有威有固則代郡鴈門何越之有至若駟騎星馳華軒雲湊往返駢闐者皆

中朝名士悉憇駕於鴈歸亭未嘗不題藻句紀年代也西南松門洞豁逕通千里巖巘隱映口輪礮者居焉口曠遺運者衆混流箭激不可渡之雖有葉舟過者懷疑或覆溺谿人或駐滯遊子凡經渡者咸有咨憤之詞伏會

兵馬使清河張公領是鎮初有關城居人百姓等偕詣

柳營請勅建長橋以導達津阻

公挺隽人表導全禮樂器兼經濟才為時生深惻隱運良籌先所陳而名節級愈曰吾北離

旌榮南過斯軍致舟車不便衆有蹙容胡為關河字人矣遂請當鎮咸通觀音院主法大德普安勸董結聚青鳧兼自減月俸以咸通九年戊子歲五月九日興良工政綱條畢能乘時逐便自利出材勉為甘言賞勵短匠不日畢成是橋長一百尺闊一丈五尺下去水四尺尺規置門屋立鎖鑰安華表柱俾闔者潔嚴掌轄署其名曰通濟其南南有古之魯氏石橋雖名揚寰海而通濟之義莫大茲也由是自華亭鬪虹樑飛鵠脚架雲

棧迴朱檻化螭竦於洪波騰華鶴於朱戶炳煥方面蓋以壯

皇家天外北門之咽扼耳曩者亭際中流有恠石蹙浪聲砰轟若雷霆震而不息兩堤人口辯其言音狀有蛟螭潛處其下居者嘗虞罕窺其禎咎

公以建橋之日奠餽酒祝之其聲頓止是口口規風振俗埤應昭彰故得磊落妖聲潛弥水府以表

我公之勲業巍巍乎愚才非敏達得不紀口殊續載綴斯文用刊貞石是十三年壬辰四月十五日紀

節度衙前兵馬使勾當關鎮務銀青光祿大夫掄按太子賓客上柱國張諗

儒林郎守靈石縣令路誨

承務郎行靈石縣主簿裴□

軍判官宣德郎試汾州長史馬瞻

十將雲麾將軍試殿中監梁季真

權副將陳之猷

勾押官齊順

押衙李公成 康少干 秦元貞 范君政 馬士

虞侯許敬立 常宗約 秦行和 趙存實 張元茂

將虞侯任赫亮

押官蓋公茂 曹赫顏 田仗

庫官趙文晟

印官安季駝

使官楊元信

范元操

王憲文

王宗禮

辟懷友

蔡全

權押官張從佐

薛□□

衛義深

橫巡張公素

儀季穆

稅木官儀季程

糧料官高弘

行問官季公亮

直頭康少晟

王國忠

行官蔡全真

王太敢

□義宗

元君集

溫行初

秦君立

賈宗慶

衛元實

張重實

任行恭



張敬武 李君雅 王文亮 蓋從諫 封建忠 韓

公亮 張元順 秦士和 邊慶

城局鄒行深 邢懷寶

外巡李文緒 霍元政

橋門子劉行周 王太和 孫惠

應諸火山施主等孔季武 張楚 袁季用 張從諫

張從亮 唐元迪 武元晟 瞿建 王忠順 張

閩江 王忠政 陳約 王慶 李弁 武憲 張政

王弁 儀和 李愜之 順闕宗 梁晟 范元真

許賀 郭維則 李宗 許義 張文則 郭亮

傅懷亮 牛楚 劉亮 蔡寧 蔡斌 蔡恭 蔡宗

秦行方 席弁 秦詵 任□ 任恭 秦迴 籍

榮 張公緒 張岌

造橋邑長前石州押衙□□錄事范楚

邑人范隣 李再亮 張茂貞

都勾當造橋法學沙門普安 禮經僧應堅

都料匠王恭

老人賈公亮 李元晟 季公緯 衛季武 藍慶

鐫字人

下缺

按河東高壁鎮通濟橋記蕭珙撰行書書人不著

在山西霍州靈石縣今冀國道華州王公志宰

靈石時拓寄靈石唐屬汾州霍州唐霍邑屬晉州

唐時河東道河中節度使理河中府蒲州改置管  
州五晉州屬焉河東節度使理太原府太原晉陽  
二縣郭下管州十一汾州代州皆屬焉晉水出晉  
陽西南東南過其城注汾水西南至汾州一百七  
十里汾州靈石縣北至州百二十里汾河在縣北  
介山在縣東白壁嶺在太谷縣境而當此高壁鎮  
之西記稱河東要津封接蒲城晉川一隅汾水干  
派東控介密西連白壁以兩唐書及元和郡縣志  
分證之可以得其形勝代郡鴈門北方之險有盧  
龍飛狐勾注天下之阻所以分別內外記言高壁  
之威固何越鴈門蓋亦當時雄鎮矣記又云松門

巖嶽輸礬者居焉則是鎮西南為產礬之所惜當時諸史未得其徵嘗見元豐九域志晉州城南有煉礬務慶厯元年置西北七十里有礬山霍為晉屬靈石又與霍近當是毗連數邑皆有礬山此記既及輸礬則唐時已開礬務不始於宋仁宗之世也兵馬使清河張公即張諗節度衙前兵馬使勾當關鎮務與軍判官當由節度所辟未詳官品舊唐書職官志銀青光祿大夫後三品文散官太子賓客正三品文職事官上柱國正二品勳官宣德郎正七品下承務郎從八品下儒林郎正九品上並文散官州長史正六品下諸州上縣令從六品

上主簿正九品下十將雲麾將軍者十將軍散號  
內有雲麾武散官殿中監職事官並從三品副將  
者當即鎮將之副上中下鎮將皆有鎮副上鎮副  
正七品下中鎮副從七品上下鎮副從七品下曰  
高壁鎮曰通濟橋曰陰地關明一統志縣南二十  
里汾水西曰鴈蹄亭曰松門曰魯氏石橋曰咸運  
觀音院皆足備輿地之勝張諗諸人亦志職官者  
所必錄也

錄事趙虔章墓誌

石縱橫各一尺二十二二十三行  
行二十十字正書在陝西咸陽縣

唐故前河南府錄事天水趙公墓誌銘

樂安孫溶撰 吳興姚紉書

嗟夫瑞雲將布俄散彩於晴空皓月正圓忽摧輪於天  
上即知吉氣難駐祥光易虧非唯動息之所瞻實亦神  
靈之所歎何殊俊造奄及泉臺將紀嘉猷難申執筆  
公諱虔章字敬彛京兆長安人也昆仲四人歡侍左  
右公異才也量崇大節不愧小慈禮樂生知敏擬天受  
視扶空之蟠棟不忌崢嶸觀截海之螭梁未為碑兀鳳  
鶴馮雍容之質冰壺灑洞澈之風纔及弱冠之年寵授  
紉胄之貴莫不清兼洛水秀合嵩雲譽滿東畿名傳  
西關必謂壽筭五千之仞榮稱百萬斯年何期清史而  
猶未標竒黃泉而已為歸路嗚呼天虧一柱嶽折高峯

斬地之劔刃剛摧射猿之雕弓絃斷並雲銷於瞬息方  
月缺於逡巡比逝賢良未足為痛以軋符三年九月六  
日告終于平康里私第而丹旆言旋著龜告吉擇用其  
月廿日葬于萬年縣寧安鄉三趙村祖之塋側也今  
則泉路永塞逝水不還慮陵變遷略紀貞石其銘曰

肅肅令德

雍雍至仁

玉質纒成

冰霜始新

謹孝無比

忠貞絕倫

於家克儉

於邦克勤

詎料花發

風起清晨

來飄絮謝

紅香沒塵

龍城之側

灞漣之濱

一葬其中

三趙為隣

風悲雨泣

慘骨傷神

泉門永固

千春万春

元和八年馬廿三娘誌云恐陵變遷乃紀銘云大和

四年吳達誌云金石靡刊孰紀陵之變此誌云慮陵  
變遷略紀貞石三誌刻不同時陵下皆脫谷字而唐  
代國諱無避谷字嫌名者不知三誌何以同脫此字

古誌  
石燕

按趙虔章墓誌銘題云唐故前河南府錄事天水  
趙公宰相世系表天水趙氏代王嘉子趙王公輔  
之後世居隴西天水後徙京兆表不載虔章無由  
悉其先代百官志西都東都北都皆有牧府尹少  
尹其屬有司錄參軍事錄事錄事四人從九品上  
掌正違失蒞符印誌稱寵授糾曹之貴即指河南  
府錄事故云譽滿東綏其職掌正違失故云糾曹



糾卽糾也萬年縣寧安鄉三趙村卽今咸寧縣南十五里三兆社趙兆音近而訛社有鳳棲原韻顏魯公撰顏勤禮碑寧安鄉鳳棲原亦其地也此石道光中出土及門顧小雲鶴宰米脂時拓寄

末飄蔡謝末疑采之謠

陸州志